

Payí Pitao xámi eaŋinarini.

Payí rina áamá Jisasomi diŋí wikwíroarigiá wí eŋí nimóniro ŋweagiáyí náni Pitao xámi eaŋinarini. O Jisaso wiepisagowa worini. Jisaso rixa aŋínami nipeyimáná xwiogwí rixa obaxí nipwémáná eŋáná Pitao Jisasoyá siyikí imónigiáyo Romiyíyá gapímanowa xeaniŋí ríá tŋí níwikára warinagía náni ayí eŋí neániro aniŋí Jisasomi pírániŋí uxídírixiniri “Diŋí sixí umímómini.” niyaiwiri payí rina eaŋinigini. Payí rinami yoparípi nearíná Romi, aŋí xío niŋweámáná payí eaariŋípi náni nuriríná yumí uriminiri xwiýíxá nuriri Babironi náni uriŋinigini.

1 ¹⁻²Pitaoni —Nioni Jisasi Kiraisoyá wái wurimeiarinǎ wonirini. Nioni payí rina áamá mi dánǎyínéniŋí imónigiáyíné náni —Seyíné éí nimiamoro píropeniŋí xegí yoí Podasiyi riniŋíyo ŋwearo Garesia riniŋíyo ŋwearo Kapadosa riniŋíyo ŋwearo Esia riniŋíyo ŋwearo Bitinia riniŋíyo ŋwearo egiáyínérini. Seyíné náni payí rina niriri eaariŋini. Seyíné Jisasi Kiraiso riŋípimi xixeni xídipíri náni ero o ragí yoxáfpámi niperíná puŋípi tŋni igiániŋí niseaeámoiríná segí íwí yarigiápi yokwarimí seaini náni eri enía náni ápo Gorixo xegí kwíyípi seaáiniŋíyo dáni nioniyáyí imónírixiniri xegí níjǎá xámi xwíá riri sini mimóniŋáná imóniŋípi tŋni xixeni íá yiyamiximí seaŋiyínérini. “O wá ayá wí seaíwianiri niwayiróniro ŋweapíri náni ayá wí seaíri éwinigini.” nimónarini.

“Xeaniŋí seaímeaariŋagi aí Gorixo yeáyí neayimixemeaníárini.” uriŋí nánirini.

³Nene Gorixomi —O negí Áminá Jisasi Kiraisomi xano imóniri ŋwíáo imóniri eŋorini. Omi yayí owianeyi. Ayí ripi nánirini. Nene Jisasi Kiraiso xwáripáyo dáni wíápínimeanǎ eŋagi náni weniŋí neri ŋweaariŋwápi “Nepa xixeni neaímeaníárini.” yaiwianíwá náni Gorixo xegí wá xwapí neaumixiŋíyo dáni ámi siŋí neaxiriŋenéniŋí eweaŋwáriní. ⁴“Nene nineaímeaníárini.” niyaiwiri weniŋí neri ŋweaariŋwápi, ayí Gorixo “Naŋí e e niseaiimíárini.” riŋípi apíriní. Apí wí urí epaxí mimóní eri siyikwí míní naŋíni epaxí eri anipá bǎ mimónipaxí eri eŋípíriní. Aŋínami Gorixo seyíné náni seameŋweaiariŋípíriní. ⁵Gorixo síá yoparíyi imónáná yeáyí niseayimixemearíná sipearimí seainíapi

piaumimí iníwiniginiri seyíné diŋí wikwíroariŋagía náni xegí eŋí sixí eániŋipi tǐni awí seameŋweaŋíyíné eŋagi náni rariŋini. ⁶Xeaniŋí agwi ríná Gorixo xe owímeaniri wimóniŋí bi onimiápi náni xixegíni seaímeaariniŋipi nimúropaxí mimóniŋagi náni diŋí ría seaxeariŋirini. E neri aiwi sfá yoparíyimi Gorixo seainiápi náni seyíné yayí seáyimi dáni seainariŋirini. ⁷Jisasi Kiraiso seyíné mimóní diŋí miwikwíró nepa xwioxíyo dáni xfomi diŋí wikwíroariŋagía niseaniri náni xewaniŋo piaumimí niseainiríná seyíné yayí seameri seáyí e seamíeyoari wé íkwianŋwíyo seanŋwirárirí emíániri náni agwi ríná xeaniŋí xixegíni seaímeaarini. Ewayí xwiyía síŋá gorí náni riniŋí ripi náni diŋí mópoyi. Ámá síŋá gorí —Gorí ayí urí epaxí imóniŋipirini. Síŋá api tǐŋí bi nimearo aga síŋápi ría niniri gorí nápi, síŋí iniŋipini xegípi oweniri ámi ámi ría ikeaárarigiápa segí diŋí wikwíroarigiápi —Api gorí tǐni xixeni imóniŋipimani. Seáyí e imóniŋipirini. Api eni axípi xwioxíyo dáni ría nikwíroariŋoiniri gorí ríaniŋí ikeaárarigiápa xeaniŋí eni axípi e seaímeariŋirini. ⁸Seyíné Jisasomi símimaŋíyo siŋwí miwinipa egiáyíné nimóniro aiwi diŋí sixí uyarigiárini. Agwi ríná eni siŋwí miwinipaxí niseaimóniri aiwi diŋí niwikwírooro náni aga yayí xwiyía tǐni ripaxí mimóniŋipi seáyimi dáni niseainiri náni íkwíeyoánariŋoi. ⁹E neríná Jisasomi diŋí wikwíroariŋagía náni seaimóniniápi —Gorixo yeáyí seayimixemeaníapi náni rariŋini. Api rixa seaímeaariniŋagi náni yayí seainarini. ¹⁰Gorixo api e neríná yeáyí seayimixemeaníapi náni eŋíná wía rókiamoagía “Gorixo wá niseawianiríná e seainiáriní.” rigíáwa diŋí “Gorixo arige neri ení náni ría rarini?” niyaiwiro aniŋí miní yarimáŋí niga bagíarini. ¹¹Kwíyí Kiraisoyápi áwaní ínimi dáni uriniŋí ripi, “Xámi xeaniŋí ámá Gorixo yeáyí seayimixemeanía náni uowárenapiníomi niwímeámáná eŋáná ríwéná ámi seáyí e xegí bi imóniŋipi wímeaníarini.” Wía rókiamoagíawami áwaní kwíyíyo dáni e uriniŋipi náni awa diŋí nimoróná “Yeáyí neayimixemeanía náni uowárenapinío gíná biníaríani? Omi wímeaníapi arige nimóniri wímeaníaríani?” niyaiwiro yarimáŋí niga bagíarini. ¹²E nero aí Gorixo awa re oyaiwípoiŋiri, “None wía urókiamoariŋwápi negí tǐŋí ríná imóniniápipimani. Ámá noneyá ríwíyo ŋweagiáyí tǐŋíná imóniniápirini.” oyaiwípoiŋiri siŋáni waropárí wiŋiniginí. O nene náni neaiŋipi, ayí xwiyía yayí seainipaxí agwi ríná wá rarigiáwa kwíyí aŋínami dáni wírenapiniŋipimi dáni wá searimegiápirini. Aŋíajowa eni aga niŋíá oimónaneyiníro niwimóniro egiápirini.

“Íkwiránaniŋí imónirixini.” uríŋí nánirini.

¹³Gorixo e neaiŋí eŋagi náni segí diŋí niseaikwearipeáriniginiri píraníŋí pírfí wiaíkmíni niníro siŋwí tǐni nero re niyaiwiro, “Jisasi Kiraiso xewaniŋo piaumimí ináná Gorixo wá nineawianiríná neaiŋipi

yoparípi sipearímí nineairi yeáyí neayimixemeáwinigini.” niyaiwiro diñj níwikwímoro ηweárixini. ¹⁴Seyíné niaíwí aría yímigí yarigíáyiniñj nimóniro xwiyía yayí seainipaxípi sini majía nimóniríná “Pí pí nioni feapá ninariniñj sa oemini.” niyaiwiro yagiápi sini xe oneaímeaniniri miseaimónipa érixini. ¹⁵E mepa nero siyikwí bi míní íkwiráínániñj imóniño —O seyíné xío xegíyí imónírixiniri wéyo íá seamirinorini. O imóniñjpa seyíné eni pí pí neróná íkwiráínániñj nimóniro axípi érixini. ¹⁶Bikwíyo ríwaminiñj re niriniri eániñjagi náni rariñjini, “Nioni siyikwí bi míní íkwiráínániñj imóniñjagoni enjagi náni seyíné eni axípi íkwiráínániñj imónírixini.” niriniri eániñjagi náni “Seyíné eni e érixini.” rariñjini.

Gorixo ayá tíñj imóniñjipi tíni gwíniñj nearoayíronj nánirini.

¹⁷Seyíné Gorixomi —O ámayo mí ómómiximí neríná áamá xwérixá wími símí símí e miñwiráí ayí ayo wigí egíápimi dáni mí ómixaxídinforini. Omi xwiyía ririmí niwiríná “Apoxini” nuriro náni sini xwíá rirími nuríniróná omi wáyí niwiro pírániñj érixini. ¹⁸Seyíné nijía re imóniñjagía náni rariñjini. Gorixo segí aríowa siwí surímá seaiékwíkwiyigíápi pñi wiáírixiniri síñá siripá tñirani, gorí tñirani, —Apí anipá imónipaxíriini. Apí tíni gwíniñj searoayíronjmani. ¹⁹Negí Judayí wigí íwí yarigíápi Gorixo ragí pwariniñj niwiniri yokwarimí oneaiiniri sipisipi miá siyikwí míniño nipikiróná yarigíápa o xegí xewaxo Kiraiso, ragí xegí ayá tíño niperíná puñipimi dáni gwíniñj searoayíronjriini. ²⁰Xwíárí tíni añína tíni sini mimixipa enáná xámi xegí xano e éwiniginiri wimóniñjipi tíni xixeni neríná urípeaño seyíné arirá seaiminiri náni síá yoparíyí tíñj ríná rixa siñáni piaumimí niniri seapeiniñjini. ²¹Seyíné o seaiiniñjipi dáni Gorixomi diñj wikwíroarigíáriini. O xewaniño Kiraiso xwáripáyo dáni owiápnimeaniri ámi diñj sixí numímore aga seáyi émi umfeyoanj enjagi náni seyíné omi diñj níwikwíroro “O neariniñjipi nepa neaiiniáriini.” niyaiwiro diñj níwikwímoro ηweañoi.

“Xixe diñj sixí yiniírixini.” uriniñj nánirini.

²²Xwioxíyo dáni nixixímeáyo diñj sixí ouyaneyinero segí íwí yarigíápi xwiyía nepaxiniñj imóniñjipimi aría niwiro pírániñj nixídiriniñjipi dáni rixa igíániñj eámónigía enjagi náni aniniñj miní xwioxíyo dáni diñj sixí yiniírixini. ²³Ayí ripi náni “Diñj sixí yiniírixini.” searariñjini. Seyíné ámi siñj bíniñj eweáíápi, ayí anipá imónipaxí enjipi maríái, aniniñj ηweapaxí imóniñjipi tíni eweáíáriini. Ayí xwiyía Gorixoyá aniniñj niyimiñj enjipi ámayo ámi siñj bi eweariñjipi náni rariñjini. ²⁴⁻²⁵Bikwíyo dáni re niriniri eániñjipi nioni searariñjipi tíni xixeni imóniñjagi náni rariñjini, “Ámá ayí ayí náni arániñj imóniñjagíyiriini. Amipi ámá yariñjagía niwiniro yayí umearigíápi, ayí ará siyiniñj imónini. Ará yeáyí niyipeárimáná

urí yariñípa áamá eni axípi yarigíárini. Ará siyí urí neríná piéroariñípa amípí áamáyo yayí umearigíápi axípíniñí imónariñírini. E neri aí Ámináoýá xwiýápi aga aníñí íníná imóniñípirini.” Xwiýá e riniñagi náni searariñini. Xwiýá api yayí seainipaxí imóniñí wáí searariñwápirini.

“Xwiýá Gorixoyá oxídiminiri ayá wí seaimóníwiniñini.” uriniñí nánirini.

2 ¹Ayináni segí ríá kiroarigíá nipini tñi yapí wíwapiyarigíá nipini tñi naní riro sipí riro yarigíápi tñi sipí ñíñí yaiwiarigíápi tñi xwiýápai uñwirárarigíá nipini tñi api nipini rixa xwiá weyárfírixini. ²E nero niaíwí síñí xiríáyí amíñí náni ayá wí wimónariñípa seyíné eni axípi xwiýá Gorixoyápi —Api ikweakwímí miníñípirini. Api aríá niwiri xixeni oxídiminiri ayá wí seaimóníwiniñini. Gorixo yeáyí seayimixemeané náni segí ñíñí niaíwí amíñí niniríná xwé iwiaroariñípa axípi yóí nimóniro amípí Gorixo wimónariñípi náni ñíñí aumaúmí inírfírixiniri xwiýá oyápi náni ayá wí seaimóníwiniñini. ³Seyíné aiwá gígí neróná awíí yariñípi náni níñíá imónariñípa Ámináo ñíñí sipí niwiríná naní seaiñípi náni rixa níñíá imónigíáyíné enagíá náni api e éfírixini.

“Seyíné áamá Gorixoyáyínérini.” uriniñí nánirini.

⁴Seyíné Jisaso —O ñíñí niyimiñí tñíñí síñáñíñí imóniñí worini. Ámáýí “Síñá ro sipíorini.” niriño emi móagía aiwi Gorixoyá síñwíyo dání ayá tñño enagi niwiniri aní xío mirariñípi náni íá yamixárinorini. ⁵Seyíné eni síñá ñíñí niyimiñí tñíñíñí imónigíáyínérini. Seyíné o tñámíni baríná Gorixo niseameari aní ridiyowá náni xegí kwíyí ñweapaxí wiwáñíñí seamirarini. Seyíné aní iwámi dání oyá apaxípáñíñí imónigíá “Gorixo wimónariñípi nánini e niyaníwárinini.” yaiwiarigíáyíñíñí nimóniro ayí Gorixo none náni yayí oneainiri ridiyowá wiarigíápa seyíné eni Jisasi Kiraiso seaiñíyo dání axípíniñí xegí kwíyí xío wimónariñípi náni seaíwapiyariñípi wiírfírixiniri seyíné aní wiwáñíñí seamirarini. ⁶Xwiýá nioni searariñápi, ayí Bikwíyo dání re niriniri eániñípi tñi xixeni imóniñagi náni rariñini, “Aríá époyi. Gorixoní áamá síñá aní nimiriróná síñá awiaxí wo xámi nimearo iwamíó tiwayiroarigíápa nioni eni áamá wo gí Saioni ñweagíáyo umenñweañía náni nurípearíná síñá ayá tñíñí imóniñí wo nimeari iwamíóniñí tiwayiroariñini. Omi ñíñí wíkwírogíáyí ayá niwiniri ‘Pí náni wíkwíroñáñi?’ wí yaiwipíríámani.” niriniri eániñípi nioni searariñápi tñi xixenirini. ⁷Ayináni ñíñí wíkwíroarigíáyíné náni síñá o ayá tñño imónini. E neri aiwi ñíñí miwíkwíropa yarigíáyí Bikwíyo re niriniri eániñípi tñi xixeni egíawixini, “Síñá aní mirarigíáwa ‘Sipíorini.’ niriño emi mogíó Gorixo nimeari iwamíó tiwayiroño imóniñírini.” niriniri eániñípi tñi xixeni egíawixini. ⁸Ámá ñíñí miwíkwíroarigíáyí náni ripi eni niriniri eánini, “Síñá o, ayí áamá nóreámioari ná eániñi nikiripeañiri ná eániñi yarigíóniñí imónini.”

niriniri eánini. Ayí ripi nánirini. Gorixoyá xwiyiápi niwiaákiro náni nóreámioari náníñi eánariǵárini. Eñíná Gorixo e érixiniri urípeaǵárinini.

⁹E neri aí eñíná Gorixo áamá xegí imóniǵiáyi náni riñipa seyíne náni eni xixeni axípi re niriniri eánini, “Áamá gwí wiri xío xegí imóniwiniginiri fá yamixáriñirínini imóniro mixí ináyí xíoyá apaxípániñi imóniǵiáyiniñi imóniro áamá gwí móniǵiá ‘Xío wimónariñipi ni éwanigini.’ yaiwiarigiáyiniñi imóniro áamá xíoyá imóniǵiáyiniñi imóniro eǵiáyirini.” niriniri eániñipi seyíne náni xixeni rinini. Gorixo —O seyíne síá yiniñimini píni niwiárimi nibiro xegí wía ókiáriñimini ñweapíría náni fá seaumiriñorini. O seyíne awiaxi seáyi émi imóniñi xío seaiñipi áamáyo áwaní uríñixiniri api api imóniñixiniri searípeañirini. ¹⁰Eñíná seyíne Bikwíyo “Áamá sipíá imóniǵiáyirini.” niriniri eániñipi tñi xixeni nimóniro aiwi agwi ríná rixa áamá Gorixoyáyíne imóniñoi. Bikwíyo riniñipa xámi Gorixo ayá miseawianiñiyíne aiwi agwi ríná rixa ayá seawianariñiyínerini.

“Áamá Gorixo náni majiá imóniǵiáyi tñi niñwearóná pírániñi érixini.” uriní nánirini.

¹¹Gí diñi sixí seayiniáyíne, eñi rirémixí niseairi re searariñini, “Seyíne añi mi dániyíneniñi nimóniro xwía rirími uríniǵiáyíne íeapá seainariñipi xe oneainiri siñwí miwinipani. Íeapá seainariñipi diñiyo sipí seaikixémíniri yariñi eñagi náni rariñini. ¹²Seyíne áamá Gorixo náni majiá nero náni éma imóniǵiáyi tñi e niñwearóná pírániñi wé róniñipiñi érixini. Émáyi ikayíwi niseairiróná ‘Áamá rikikiríó yariǵiáyínerini.’ searíá aí seyíne wé róniñi imóniñipini yariñagi siñwí niseaniro náni síá Kiraiso áamáyo mí ómómiximí wini náni biníayimi omi seáyi e umíeyoaro ‘Joxi rixídarigiáyi xewí riñwárinini.’ riro epíría náni pírániñi e érixini.” searariñini.

“Áamá seáyi e seaimóniǵiáyo ínimi wuríniñixini.” uriní nánirini.

¹³⁻¹⁴Seyíne Ámináo wimónariñipimi oxidaneyiniro áamá seameñweapíría náni imóniǵiá ayí ayo ínimi simañwíyóniñi yeáyi wuríniñixini. E nero mixí ináyí seáyi e imóniño gapimaní niyoni seáyi e wimóniñi eñagi náni omi simañwíyóniñi yeáyi wuríniro gapimaníyi eni áamá íwí yariǵiáyo píri umamoro nañi yariǵiáyo seáyi e umero oépoyniri urípeañiyí eñagi náni ayo eni simañwíyóniñi wuríniro érixini. ¹⁵Gorixo seyíne náni re niyaiwiri wimónariñagi náni rariñini, “Áamá nioni diñi nikwíroarigiáyi nañi nero ínimi e niwuriñiriniñipimi dáni áamá majiá nikáriniro wigí majiá imóniǵiápimi dáni yapí niñiro ‘Gorixomi diñi wikwíroarigiáyi siwí sipí yariǵiárinini.’ rariǵiápimi sañiáríñixini.” niyaiwiri wimónariñagi náni rariñini. ¹⁶Gapimaníyo ínimi niwuriñiróná Jisaso seaiñipimi dáni íwí náni áxenwaríniñi miseainiñiyíne eñagi

náni áamá “Nene áxenwarí minípa enjagwi nání íwí anani yaníwini.” niriro yariǵápa mepa érixini. Áamá “Gorixo wimónariǵípini oyaneyi.” niwimóniro ínimi niwuríniro nání íwí epaxí imóniǵipi mé yariǵápa seyíne eni axípi e érixini. ¹⁷Áamá niyoni wéyo uǵwiráriro sérixímeáyo diǵí sixí uyiro Gorixomi wáyí wiro mixí ináyí seáyi e imóniǵomi wéyo uǵwiráriro érixini.

“Kiraiso siǵwepigí neaiǵípimi xidírixini.” uriǵí nánirini.

¹⁸Xináiwániǵí nimóniro omiǵí wiariǵíáyíne, segí bosí seameariǵíáwa nání wáyí niwiro ínimi niwuríniróná naǵí niseamero awayini seaiariǵíáyoni maríái, uyíniǵí niseaikáriro seameariǵíáyo eni ínimi wuríniríni. ¹⁹Ayí ripi nání rariǵini. “Gorixo wimónariǵípi apíríani?” niyaiwiro sa apini oyaneyiniro nání “Pí pí xeaniǵí neaikáráná diǵí ríá neaxeariǵípi ayí ananirini.” niyaiwiro xwámámí niwirínáyí, Gorixo yayí winariǵí enjagi nání anani bosowami wurínírixini. ²⁰Íwí yariǵagía niseaniro uyíniǵí seaikáránáyí, seyíne xwámámí wíagía aiwi “Gorixo nene xwámámí wiarǵagwi nání anani yayí seáyi e neameníárini.” riseaimónarini? Oweoi! E neri aǵ seyíne naǵíni yariǵagía aiwi uyíniǵí seaikáráná xixe miwí xwámámí niwirínáyí, Gorixo yayí winipaxípi yariǵoi. ²¹Gorixo seyíne e érixiniri wéyo íá seaumiriǵíri. Ríniǵí seyíne meapaxí imóniǵípi Kiraiso nimeáriniríná ríniǵí seyíne eni surímá nimeáriniróná epíríápi nání siǵwepigí seaiǵí enjagi nání rariǵini. ²²O Bikwíyo “Íwí bi mepa eri xegí maǵípa tǵni yapí bi mirípa eri enjírini.” niriniri eániǵípi tǵni xixeni enjiginini. ²³Omi ikayíwí umeararíná xío eni wí xixe ikayíwí murípa eri omi ríniǵí wiaríná “Soyíne miyíó ráráriníǵíyo ríxa uríkwinípíráoi.” murípa eri Gorixomi —O áamá niyoni wigí egíápi tǵni xixeni píri umamoariǵorini. Omi diǵí niwíkwírori “Ayí nioni níápi nání píri umamoníárini.” yaiwiri enjiginini. ²⁴Nene íwí enjwápi nání Gorixo píri nineamamorínáyí xixeni imónimiriǵí enjí aiwi o nene píri neamamómiriǵí épi Kiraisomi píri umamóáná o ríniǵí nimeari yoxáipámi dání penjiginini. Áamá piyí sini íwí bi mepa yariǵápa seyíne eni axípi ero áamá siǵí ǵweagíáyí amípí xwapí yariǵápa seyíne eni axípi wé róniǵí imóniǵípi ero érixiniri penjiginini. Omi iwanǵí nimépero pikigíáyo dání segí wára ríxa naǵí iníjagi nání “Api e érixini.” searariǵini. ²⁵Enjíná sini Jisasomi diǵí miwíkwíropa neróná sipisipi xíáwomi píni niwíárimi ǵiǵíá neánowiríná yariǵípa yagíáyíne aiwi agwi ríná segí seáwo —O diǵípi awíniǵí seameǵweariǵorini. O tǵǵimíni nibíro nání ríxa pírániǵí ǵweanǵoi.

“Apixíwayíne oxowami yeáyí wurínírixini.” uriǵí nánirini.

3 ¹Apixí oxí meániǵíwayíne eni axípi segí oxowami yeáyí wurínírixini. Segí oxí wa xwíyíá Gorixoyápi píri wiaǵkímí

yarigiáwa enánáyí, awa eni sewayíne yeáyí niwuríniro wé róniñí yariñagía siñwí niseaniriñíyo dání diñí nikinimóniro “Xwiyáa api neparini.” yaiwipíríá nání “Yeáyí wurínírixini.” searariñini. Sewayíne xwiyáa Gorixomi diñí owikwírópoyiniri imóniñí bi murariñagía aiwi² awa sewayíne siyikwí bi mínigíwayíne ero Gorixomi wáyí wiro yariñagía siñwí niseaniróná awa eni axípi diñí wikwíropaxí enagi nání rariñini. ³Sewayíne “Arige neri negí díá awiaxí imónirífeniñoi?” yaiwiro “Arige neríná awiaxí imónani nání nigwí yeyí neri ipinaniréwini?” yaiwiro “Arige neri awiaxí imónani nání aikí aipiýí yínaniréwini?” yaiwiro mepa érixini. Okiyáa niniróná segí waráyo seáyiriwámi dánini okiyáa minipani. ⁴Xwioxíyo ínimi nání eni diñí nimoro okiyáa ínírixini. Xwioxíyo ínimi okiyáaniñí inariñipi, ayí sewayíne xwioxíyo ríá ápiáwí miseawé sa piyáa niseaweáriñipimi dání okiyáaniñí inarigiápirini. Api wí anipá mimónipaxí enagi nání Gorixoyá siñwíyo dání ayá tíñí imóniñipirini. ⁵Apixí enínaní “Gorixo wimónariñipini oemini.” yaiwiagiáwa —Íwa “Gorixo neariñipi xixeni neaiínárini.” niyaiwiro diñí wikwímoagiáwarini. Íwa eni axípi wigí xiagwowami yeáyí niwuríniríñipimi dání xwioxíyo íniríwámimi okiyáaniñí inagiáriní. ⁶Seraí yagiápi nání bi osearimíni. Í xegí xiagwo Ebiríamomi yeáyí niwuríniríná aríá niwiri “Ámináoxini” uragiáriní. Sewayíne amipí wí nání wáyí bi mepa nero pírániñí nerónáyí, siwá réniñí inariñoi, “Seraí yagiápa newaniñene axípi imóniñwini.” Siwá éniñí inariñoi.

“Oxoyíne apixíwami pírániñí umérixini.” uríñí nánirini.

⁷Apixí meagióyíne eni segí apixí tíni nawíni niñwearóná “Apixíwa imónigiápi, ayí apíríani?” niyaiwiro niñjá imónigiáa api tíni xixeni niwíwapiyiro nawíni ñweárixini. Apixíwa oxoyíne tíni xixeni ení neániro mepaxí enagi nání searariñini. Gorixomi rixiñí urarigiápi aríkwíkwí miseaipa enía nání “Negí apixíwa eni diñí niyimiñí imóniñipi meapírííwaríani?” niyaiwiro wé íkwiañwíyo uñwirárixini.

“Sipí seaikáriagía aiwi nañini wírixini.” uríñí nánirini.

⁸Repiyí niseaiéra úapi, ayí nipíni ripi érixiniri searariñini. Pírániñí nitíwayiróniro ñwearo xixe diñí sipí iniro xexíxerímeáyí diñí sixí yinarigiápa axípi xixe diñí sixí yiniro wá wianeniro seáyí e mimóní siyikwíniñí nimóniro ñwearo érixini. ⁹Ámá uyínií seaikáriáyo píri numamoro axípi xixeni miwikáripa ero xwiyápai seañwiráriáyo axípi xixeni píri numamoro xwiyápai miñwiráripa ero neróná ámá sipí seaikárarigiáyo Gorixo nañí owiniri rixiñí urírixini. Gorixo seyíne nañí seaíniá nání ámá ayo e wírixiniri wéyo íá seaumiriñí enagi nání searariñini. ¹⁰Bikwíyo dání re niriniri eániñagi nání rariñini, “Ámá ‘Nioni yayí nininiri kikiáa oñweámimi.’ niwimóniríná re yaiwíwinigini,

‘Gí maŋípá t́ni xwiýá sipí imóniŋípi rimi mexoámopa eri yapí bi rimi mexoámopa eri oemini.’ yaiwíwinigini. ¹¹ Sipí imóniŋí yariŋípimi wé íá nimixeániri naŋí imóniŋípi éwinigini. ‘Ámá náni t́ni arige piýá niwíriniŋi ŋweaaníwáriani?’ niyaiwiri api e imóníwaniginiri aniŋí mini iponíwinigini. ¹² Ayí ripi náni e éwinigini. Áminá Gorixo wé róniŋí yariŋíáyo siŋwí winaxídimeri íníná xíomi rixiŋí urariŋíápi náni aríá ókiarí umóniri yariŋírini. E neri aí sipí yariŋíáyo wikí wónariŋí eŋagi náni e éwinigini.” Bikwíyo e niriniri eániŋagi náni rariŋini.

Naŋí yariŋwápimi dáni ríniŋí neaímeearíná epaxípi nánirini.

¹³ Seyíné naŋíni oyaneyiniri aniŋí mini xídarínáyí, giyí ríniŋí seaipipírífarini? ¹⁴ E niseariri aí seyíné wé róniŋí yariŋagiá náni ríniŋí seaímeáagi aiwi anani yayí seainíwinigini. Bikwíyo riniŋípa “Seyíné ámá sipí seaikárarigiáyí óí neri diŋí yániŋaxí seaíwapiyaríná óí mepa nero ayá ípípá miŋwirárinipa nero ripi éfrixini. ¹⁵ Xwioxíyo dáni ‘Kiraiso gí Ámináorini.’ niriniro diŋí sixí inífrixini.” Seyíné “Gorixo yeáyí nineayimixemearíná e neaiinífarini.” niyaiwiro diŋí wikwímoarigiápi náni ámá yariŋí seaíá ayí ayo repiyí wipírfa náni diŋí neŋwipero ŋweáfrixini. Seyíné api náni repiyí niwiróná ímf t́ni muripa nero “Jisaso ámá ayí náni eni mipepa reŋinigini?” niyaiwiro awayini nipení xwiýá urífrixini. ¹⁶ Seyíné e neróná ámá seyíné Kiraiso t́ni nawíni nimóniro náni naŋí yariŋagiá siŋwí niseaniro aí ikayíwí seameararigiáyí ríwéná “Nipikwini muriŋwanigini.” niyaiwiro ayá winipírfa náni seyíné repiyí niwiróná ríwéná wairírí inipaxí imóniŋí bi muripa éfrixini. ¹⁷ Ayí ripi nánirini. Gorixo xe ríniŋí oseáímeaniri niwimónirínáyí, seyíné naŋí yariŋíápi dáni ríniŋí seaímeááná ayí ananirini. Sipí yariŋíápi dáni ríniŋí seaímeááná xixeni Gorixo “E éfrixini.” wimónariŋípimi mixídariŋagiá náni searariŋini.

“Kiraiso negí íwípi yokwarimí neaiiminiri peŋinigini.” uriŋí nánirini.

¹⁸ Kiraiso eŋípi náni bi orimini. O Gorixo negí íwí yariŋwápi yokwarimí neaiiminiri náni ríniŋí nimearíná nawínáni peŋinigini. Siyikwí míninjo siyikwí íniŋwaéne Gorixo t́ni nawíni piýá neawíriminiri náni peŋinigini. Ámá wará íriŋáná pikigíá aiwi kwíyíyo dáni ámi niwíápinimeari ¹⁹⁻²⁰ apimi dáni nuri ámá piýyá diŋí gwíniŋí ŋweagiáyo —Ayí Nowao t́ŋíná o sipíxo imixaríná Gorixo “Pírí umamóimigini.” niyaiwiri aí wigí ríá kiroarigiápi náni axíná ipipimí miwipa eŋáná pírí wiaíkmí egiáyirini. O ayo nuri wáí uriŋinigini. Ámá sipíxomi píxemoániŋíyí ámá obaxí maríái, wé wíúmi dání wáú wo apini nipíxemoániro náni iniigí waxíyo minamí siŋí eŋáwixini. ²¹ Iniigí waxí api ámá agwi ríná wayí meááyo yeáyí uyimixemeeariŋípi náni neaíwapiyariŋípirini. Ámá wayí nimearíná kíyí xéniŋípi emi

kwírimónanairo yarigíamani. Ayí xwioxíyo dání Gorixomi réniņí uranairo yarigíarini, “Jisasomi nuxídiranená wairirí inipaxí imóniņí bi yaníwámani.” éniņí uranairo yarigíarini. Ayí píyo dání maríái, Jisasi Kiraiso wiápínimeañípimi dání yeáyí neayimixemeaarini. ²²O aņínami náni rixa nipeyiri Gorixomi wé náumini ŋweani. Gorixo íániņí wiewíxíniasiniņí eņagi náni aņínami ŋweagiá giyí giyí aņínajírani, eņí eániņí imónigiáyírani, néní tigiáyírani, níni omi simañwíyóniņí yeáyí wuriniņoi.

“Íwí xámi yagiápi sini mepani.” uriņí nánirini.

4 ¹Kiraiso xíomi upikíáná ríniņí meañí eņagi náni seyíné eni diņí xío “Naņí imóniņipi yariņáoni aí anani ríniņí omeámimi.” niyaiwiri íá xiriņpa seyíné eni axípi íá nixiriri diņí ikwírórixini. Ámá rixa ríniņí meáiáyí íwí yarigíápi píni wiárigiá eņagi náni diņí api íá nixiriri ikwírórixini. ²Ríniņí meáiáyí íná dání igí sini siņwí naineniro niņwearóná íeapá ámá winariņipi “Oyaneyi.” miyaiwí Gorixo e érixiniri wimónariņipi “Oyaneyi.” yaiwiarigiárinini. ³Ayí ripi náni searariņini. Xámi seyíné ámá Gorixoyá mimónigiáyí íeapá wináná rikikirió yarigíápa néra ugiápi rixa apáni egíarini. Rikikirió seyíné néra ugiápi, ayí ripirini. “Íwí oinaiyi.” niyaiwiniro oxí wo tñi apixí wí tñi nipoga uro íeapá néra uro iriwá ikáriniro ámá siņwí anigíe dání piaxí weániapaxí imóniņipi ero iniigí papikí yarigíápi xwapí niro segí ŋwíá nimeróná Gorixo xwiríá winariņipi ero egíápi, ayí apirini. ⁴Ámá Gorixoyá mimónigiáyí seyíné rixa o wimónariņipi xídiro ayí tñi nawíni síwíniņí aríkí sini miponipa ero yariņagia náni diņí ududí nero xwiyiápai niseañwiráiro aiwi ⁵ámáyo mí ómómiximí éimiginiri náni nimóniri weniņí neri ŋweañomi —O pegíáyo tñi siņí ŋweagiáyo tñi nawíni mí ómómiximí eníforini. Omi wigí egíápi náni “Api náni eņwárinini. Api náni eņwárinini.” repiyí niwiéra upíríá eņagi seyíné ikayíwí seameararigiápi náni wáyí miseainipani. ⁶Ayí ripi xixeni imóniniá náni xwiyiá yayí winipaxípi Jisaso ámá rixa pegíáyo aí wái uriņinigini. Pegíáyi sipí sini xwíá tíyo niņwearóná egíápi náni Gorixo píri umamoniņipi dání pegíá aiwi o wimónariņipi tñi xixeni ámi diņí sixí umímóaná wiápínimeárixiniri wái uriņinigini.

“Gorixo seaiapiņipimi dání pírániņí inírixini.” uriņí nánirini.

⁷Amipí níni rixa anipá imóniniá náni aņwi e imónini. Ayináni Gorixomi xwiyiá ririmí niwiríná pírániņí uripíríá náni nipíreaniri ero siņwí tñi ero érixini. ⁸Api nero aí ripi aņipaxí imóniņipirini. Ámá diņí sixí uyinarigiá wo wíomi íwí wíkaráná apaxí mé yokwarimí wiariņí eņagi náni sériximeáyí tñi diņí sixí niyiniríná xwapí ayá wí diņí sixí yinírixini. ⁹Xixe nipemeánimi úrixini. Xixe nipemeánimi numáná ríwéná aņiņúmí ikaxí mirinipa érixini. ¹⁰Gorixo seyíné woxini woxini pírániņí menírixiniri

xixegíni imóniñí sixí seamímoñipi rixa tígíáyíne enagía nání apimi dání arirá inírixini. Bosiwí awiaxo xegí boso wéyo ía umiriñipi tñi pírániñi yariñipa seyíne eni Gorixo wá niseawianiri xixegíni imóniñí seaiapiñipi tñi axípi nero pírániñi arirá inírixini. ¹¹Xwiyía xíoyápi ripaxí imónírixiniri sixí umímoñí gíyí gíyí api xixeni rírixini. Arirá wipaxí imónírixiniri sixí umímoñí gíyí gíyí ení eániñí Gorixo e érixiniri weámixiñipi tñi wírixini. Seyíne Jisasi Kiraiso ení eániñí seaimixiagi yariñipi nípimi dání Gorixomi seáyi e umepíría nání api e érixini. Aniñí íníná seáyi e imóniri amípi niyoni seáyi e wimóniri epaxo, ayí orini. “E imóníwinigini.” nimónarini.

“Ríniñí nimearíná yayí seainíwinigini.” uriñí nánirini.

¹²Gí diñí sixí seayiñáyíne, xeaniñí iwamíó seaíwapiyipíri nání ámá seaikárarigiñipi ríániñí seanariñagi aí “Ríániñí nene neanariñí ripi Jisasomi diñí wikwíroarigiá wíyo miwímeariñipirini.” niyaiwiro diñí niyága mupani. ¹³Kiraiso níkniri seáyi e imóniñipi piaumimí ináná diñí níá bí onimiápi miseainí xwapí ayá wí seaininía nání ríniñí omi wímeañipi seyíne eni axípi seaímeariñagi nání yayí seainíwinigini. ¹⁴Kiraisomi xídariñagi nání ikayíwí seamearínáyí, “Gorixo nañí neaimixijene enagwi nání ría neaímearini?” yaiwírixini. “Kwíyí Gorixoyápi —Api seáyi e imóniñipirini. Api nene neakikayoníriani?” yaiwipaxí enagi nání yayí seainíwinigini. ¹⁵Seyíneyá wo ámá pikíxwírío enípimi dánirani, íwí enípimi dánirani, uyíniñí enípimi dánirani, mimayíó enípimi dánirani, apimi dání píri umamóáná ríniñí meariñagi niwinírínáyí, “Ayí anani imóniñipirini.” miyaiwipani. ¹⁶E niseariri aí segí wo “Kiraisomi xídariñagi nání oyá imóniñíyí worini.” riniñagi nání ríniñí meariñagi niwinírínáyí, o ayá miwinipa neri “Kiraisoyá yoí nioni eni wíriníáoniriani?” niyaiwiri Gorixomi yayí wíwinigini.

¹⁷Ayí ripi nání seariñini. Gorixo ámá niyoni mí ómómiximí enía nání rixa añwi erini. Xegí imóniñíyáyo xámi ayo xwirixí umeníarini. Ámá xíomi diñí wikwíroariñwaéne xámi nineaímeámáná ayí ámá xwiyía Gorixoyá yayí winipaxí imóniñipi píri wiaíkimí wiarigiñáyo ayoyí apa arige wímeaníaríani? ¹⁸Bikwíyo re nirini eániñagi nání rariñini, “Ámá wé róniñí imóniñíyáyo Gorixo sini yeáyí muyimixemeapa eními ríniñí nimearínáyí, ámá Gorixomi ríwí umoro íwí ero yariñíyáyo aga arige wímeaníaríani?” riniñagi nání rariñini. ¹⁹Ayináni ámá Gorixo ríniñí xe owímeaniri siñwí winariñíyí nañí imóniñipini nero “Nene neaimixiño —O pí pí nearariñipi xixeni símí e nítiniri neaiariñorini. Pírániñí neamepaxorini.” niyaiwiro omi wikwíarínírixini.

Jisasoyá siyikí imóniñíyáyo wipeñweagiáwami uriñí nánirini.

5 ¹Ayináni Pitaoni —Nioni Kiraiso ríniñí nimeari péáná siñwí winiñá wonirini. O níkními weapáná seáyi e o imóniñipi nioni

eni o tñi nawíni imónimífa nání imóniñá wonirini. Nioni eni siyiki Jisasoyá imónigiáyo wipeñweámífa nání imóniñá woni eñagi nání segí wipeñweagióyíne eñi rirémixí bi oseaimini. ²Sipisipí pírániñi mearigiáwa mearigiápa áamá Gorixoyá imónigiá soyíne tñi ñweagiáyo axípi pírániñi umerñweárixini. E neróna “Simeaxídi neaiariñagía nání owianeyi.” miyaiwipa ero Gorixo wimónariñipimi dání nixídiro “Negí diñi tñi owianeyi.” yaiwiro érixini. “Bí oneaiapíoyiniri arirá owianeyi.” miyaiwipa ero símí nixeadípéniriñipimi dání arirá wiro érixini. ³Soyíne seáyi e niwimóniro áamá Gorixo umerñweárixiniri wéyo seaiapiñiyo paimimí miwipa ero siwí nañi ikaniñi seaipaxí imóniñipi wíwapiyiro érixini. ⁴Soyíne pírániñi e nerónáyí, sipisipí mearigiá niyoni seáyi e wimóniño —O Kiraisorini. O siñáni weapána áamá niá neróna wiárfi nimúro xopirárfi niwiróna nigwí mearigiápa soyíne eni íná axípiñi níknimáná urí mimóniñi bi meapírári.

Íwí sikiñowami uriñi nánirini.

⁵Íwí sikiñoyíne eni seaipewegiáwami yeáyí wuríñírixini. Gorixo áamá “Nioni seáyi e imóniñáonirfani?” yaiwinarigiáyo pírfi mákími neri áamá “Nioni seáyi e mimóniñáonirini?” yaiwinarigiáyo wá wianariñi eñagi nání noyíne “Negí wí seáyi e nineaimónirínáyí, ananirini.” yaiwiro “Xináíwanéniñi nimónirane omiñi owianeyi.” yaiwiro érixini. ⁶Ayináni Gorixo xegí rixa nimónána seáyi e neaimixíwiniginiri “Siyikwíniñi imóniñwápiane Gorixo xegí eñi eániñi tñi neameñweapaxoríani?” niyaiwiro ínimi yeáyí wuríñipoyi. ⁷O áamá xegí imónigiáyo pírániñi umeriño eñagi nání amipí seyíne ududí seainariñipi omi ikwikwarimí wiayípoi.

⁸Pusí sayí raioníyi riniñipi nañwí roaniminiri nání awí nira wariñipa seyíne tñi mixí inarigío —O, ayí oborini. O axípi e seaiminiri yariñagi nání siñwí tñi neróna siñwí mixí nero rórixini. ⁹Seyíne nijíá re imóniñoi. Sérixímeá xwíá rirí nirímíni ñweagiáyí ríniñi seyíne seaímeariñipa axípi ayo eni wímeariñi eñagi nání seyíne Gorixomi diñi wikwíroarigiápi eñi sixí neámixiniro obomi pírfi mákírixini. ¹⁰Rína bi onimiápi nání seyíne ríniñi nimeámána eñána Gorixo —O wá aniñi miní neawianariñorini. Kiraiso rixa níkniri seáyi e imóniñipi seyíne eni o tñi ikárinigiáyíne eñagía nání axípi imónírixiniri wéyo íá seaumiríño, ayí orini. O seyíne íá seawearímixiri pírániñi síkíki seaomixiri eñi sixí seaeámixiri Kiraisomi xídarigiápi miwáramopaxí seaimixiri eníári. ¹¹O aniñi íníná amipí niyoni seáyi e wimóníwinigini. “E imóníwinigini.” nimónarini.

¹²Nioni Sairaso —O negí nirixímeá diñi uñwiráripaxí imóniñi worini. O sañi nínirápiri ríwamiñi neariñipimi dání nioni xwiýíá onimiá rípi eñi rirémixí seairi áwaní “Gorixo wá niseawianiri seaiñipi aga xixeni

apirini.” seariri yariḡini. Nioni searíápi diḡí íá nixiḡiro eḡí neániri ḡweáíḡixini.

¹³Jisasoyá siyikí imóniḡiá Babironiyo ḡweagiáyí —Ayí seyíné tíni nawíni Gorixo íá seayamixáriḡiyíḡini. Ayí yayí seawárenaparḡoi. Gí íwí Mako eni yayí seawárenaparini. ¹⁴Sewaniḡiyíḡiné yayí niniróná xwioxíyo dáni yayí óí eáneníḡixini. “Kiraiso tíni nawíni ikárinigíá niyínéni oyá diḡíyo dáni niwayiróniro ḡweáíḡixini.” nimónarini.